

04.09.2019.



Konferencija "Inicijativa 20+5+6 - Stanje i perspektive ekonomskog razvoja" održana je u srijedu u Mostaru u organizaciji Udruženja poslodavaca Federacije Bosne i Hercegovine i Većernjeg lista, a pod pokroviteljstvom Izaslanstva Europske komisije u BiH.

U fokusu konferencije, koja je okupila više od 200 biznismena, predstavnika izvršne i zakonodavne vlasti te međunarodnih organizacija, je "Inicijativa 20+5+6" koja predstavlja set prijedloga novih zakona, izmjena i dopuna postojećih zakona te izmjena i dopuna podzakonskih akata, s ciljem rasterećenja privrede i poboljšanja poslovnog ambijenta.

U uvodnom obraćanju, predsjednik Udruženja poslodavaca FBiH Adnan Smailbegović istakao je kako je današnja konferencija zapravo okupljanje oko jedne dobre ideje, ideje ekonomskog rasta i razvoja FBiH i BiH te povećanja životnog standarda građana i radnika, kazavši kako bh. društvo zaslužuje jedan bolji ambijent i jedan veći standard koji se zaista može napraviti.

